


## Komentar monetarnih kretanja u septembru 2021. godine

Ukupna novčana masa (M2) na kraju septembra 2021. godine je iznosila 30,65 milijardi KM, dok je na mjesečnom nivou registrovan rast za 5,7 miliona KM (0,02%). Nizak rast novčane mase (M2) u septembru 2021. godine rezultat je smanjenja novca (M1) za 5,1 miliona KM (0,03%) i manjeg rasta kvazi novca (QM) za 10,8 miliona KM (0,1%). Novac (M1) je smanjen usljed pada gotovine izvan banaka za 24,5 miliona KM (0,4 %) i nižeg rasta prenosivih depozita u domaćoj valuti za 19,4 miliona KM (0,2%). Kod kvazi novca (QM) zabilježen je pad prenosivih depozita u stranoj valuti za 48,7 miliona KM (1,5%), uz istovremeni rast ostalih depozita u domaćoj valuti za 21,5 miliona KM (0,7%) i ostalih depozita u stranoj valuti za 38,1 milion KM (0,5%).

Na godišnjem nivou porast novčane mase (M2) u septembru 2021. godine iznosi 3,26 milijardi KM (11,9%). Rast je ostvaren kod gotovine izvan banaka za 539,3 miliona KM (11,0%), prenosivih depozita u domaćoj valuti za 2,18 milijardi KM (23,0%), prenosivih depozita u stranoj valuti za 353,4 miliona KM (12,8%), ostalih depozita u domaćoj valuti za 122,7 miliona KM (4,1%) i ostalih depozita u stranoj valuti za 63,1 milion KM (0,9%).



Protustavka rastu novčane mase (M2) na mjesečnom nivou u septembru 2021. godine u iznosu od 5,7 miliona KM (0,02%) je smanjenje neto strane aktive (NSA) za 161 milion KM (0,9%) i rast neto domaće aktive (NDA) za 166,7 miliona KM (1,4%). Porast novčane mase (M2) na godišnjem nivou od 3,26 milijardi KM (11,9%) rezultat je rasta neto strane aktive (NSA) za 3,30 milijardi KM (21,6%) i smanjenja neto domaće aktive (NDA) za 42,4 miliona KM (0,3%).

## Monetarni pregled

	Stanje u mil. KM IX 2021	Mjesečne promjene u mil. KM			Godišnje stope rasta u %		
		VII 2021	VIII 2021	IX 2021	VII 2021	VIII 2021	IX 2021
<b>Aktiva</b>							
<b>1. Neto strana aktiva</b>	<b>18.552,5</b>	<b>563,6</b>	<b>981,2</b>	<b>-161,0</b>	<b>18,5</b>	<b>23,2</b>	<b>21,6</b>
1.1. Strana aktiva	20.441,8	515,7	938,1	-161,5	13,3	17,7	16,4
1.2. Strana pasiva	-1.889,3	48,0	43,1	0,6	-19,5	-18,4	-18,0
<b>2. Neto domaća aktiva</b>	<b>12.096,3</b>	<b>-105,8</b>	<b>-420,5</b>	<b>166,7</b>	<b>2,7</b>	<b>-1,5</b>	<b>-0,3</b>
2.1. Potraživanja od centralne vlade (neto) kantona i općina	-183,0	-4,8	-481,7	56,2	-861,5	-595,6	-254,5
2.2. Potraživanja od domaćih sektora	19.866,4	23,2	34,1	82,8	1,8	2,4	2,8
2.3. Ostale stavke	-7.587,2	-124,2	27,0	27,6	4,1	5,0	3,8
<b>Pasiva</b>							
<b>1. Novčana masa (M2)</b>	<b>30.648,7</b>	<b>457,8</b>	<b>560,6</b>	<b>5,7</b>	<b>11,5</b>	<b>12,2</b>	<b>11,9</b>
1.1. Novac (M1)	17.094,7	440,2	517,1	-5,1	18,0	19,3	18,9
1.2. Kvazi novac (QM)	13.554,0	17,6	43,6	10,8	4,4	4,4	4,1

## Kreditni

Ukupni krediti domaćim sektorima u septembru 2021. godine iznosili su 20,97 milijardi KM i u odnosu na prethodni mjesec povećani su za 133,8 miliona KM (0,6%). Kreditni rast registrovan je u svim sektorima: stanovništvo za 47,6 miliona KM (0,5%), privatna preduzeća za 29,3 miliona KM (0,3%), vladine institucije za 46,8 miliona KM (4,1%), javna preduzeća za 7,3 miliona KM (1,5%) i ostali domaći sektori za 2,8 miliona KM (1,7%).

Godišnja stopa rasta ukupnih kredita u septembru 2021. godine iznosila je (2,9%), nominalno 597,8 miliona KM. Godišnji rast kredita registrovan je u sektorima stanovništva za 426,1 milion KM (4,3%), privatnih preduzeća za 118,1 milion KM (1,4%) i vladinih institucija za 75,8 miliona KM (6,8%). Smanjenje kreditnog rasta registrovano je kod javnih preduzeća za 20,7 milion KM (3,9%) i ostalih domaćih sektora za 1,5 miliona KM (0,9%).

### Sektorska struktura kredita u BiH

	Stanje u mil. KM IX 2021	Mjesečne promjene u mil. KM			Godišnje stope promjene u %		
		VII 2021	VIII 2021	IX 2021	VII 2021	VIII 2021	IX 2021
<b>Ukupno</b>	<b>20.967,2</b>	<b>10,6</b>	<b>14,2</b>	<b>133,8</b>	<b>1,9</b>	<b>2,4</b>	<b>2,9</b>
Od toga:							
Stanovništvo	10.351,1	59,8	40,5	47,6	3,8	4,1	4,3
Privatna preduzeća	8.757,7	-54,4	-22,2	29,3	0,3	1,2	1,4
Vladine institucije	1.185,0	-11,1	-2,9	46,8	3,6	3,3	6,8
Javna preduzeća	506,1	-10,4	3,9	7,3	-7,9	-8,0	-3,9
Kreditni ostalim domaćim sektorima	167,3	26,8	-5,1	2,8	-5,2	-6,4	-0,9

### Devizne rezerve

Devizne rezerve Centralne banke BiH na kraju septembra 2021. godine iznosile su 15,42 milijarde KM. U odnosu na prethodni mjesec devizne rezerve Centralne banke BiH su smanjene za 83,6 miliona KM (0,5%), dok je na godišnjem nivou registrovan porast za 2,07 milijardi KM (15,5%).